

# Дружеское галопу



6-7 Л.Л.  
ИЮЛЬ-АВГУСТ  
1938 г.



# ЯКСТЕРЬ ГАЛСТУК

(Красный галстук)  
ЖУРНАЛСЬ

Лисенди 6-це кизось

6-7 це  
июль а  
1938

Пионеронь и школьниконь эрь  
ковня лисенди журнал  
НОЛДАЕНЗА: ВЛКСМ-нь  
Мордовский обкомсь,  
МАССР-нь НКП-сь

Ответ. редакторть инкса Н.

Лит. редакторть инкса М

## НОМЕРСА СЪОРМАТФ

|   | Стр. |
|---|------|
| Александр Малькин—Васеяще депутатоньке . . . . .          | 1    |
| Мордовский АССР-нь правительствась кочкаф . . . . .       | 2    |
| М. Горький — Шовдава . . . . .                            | 3    |
| Сязьган . . . . .   | 5    |
| Итгненъ эряфса капиталистический странаса . . . . .       | 6    |
| Бесстрашный разведчикт . . . . .                          | 7    |
| Фашизмать и войнать каршес юнай борецтне . . . . .        | 8    |
| Имафтф браунинг . . . . .                                 | 9    |
| Демонстрация . . . . .                                    | 10   |
| Александр Малькин — Козя урожай . . . . .                 | 11   |
| Степан Родькин — Шумбрат марстонь пакся . . . . .         | 12   |
| И. Девин — Сиде моронят . . . . .                         | 13   |
| В. Болков — Колхозай розьсь . . . . .                     | 14   |
| В. Волков — Курок . . . . .                               | 15   |
| Вас. Каргин — Инголи и тяти . . . . .                     | 16   |
| Вас. Каргин — Лия ши мастороньконь вельксса . . . . .     | 17   |
| Федор Дурнов — Веселай тев . . . . .                      | 18   |
| Сиде моронят . . . . .                                    | 19   |
| Александр Беляев — Утка лефкс . . . . .                   | 20   |
| Частт . . . . .   | 21   |
| Шужьярьнясь, сельсь и бабань снавсь . . . . .             | 22   |
| Откорь офта . . . . .                                     | 23   |
| Кафта охотникненъ колга . . . . .                         | 24   |
| Стой . . . . .  | 25   |
| Лобанов — Пакся . . . . .                                 | 26   |
| Веселай кош . . . . .                                     | 27   |
| Вирьхне, конатненъ лопаняснон каннезь нармоттне . . . . . | 28   |
| Гиганский знак . . . . .                                  | 29   |
| Рыклин — нешке ваны атя . . . . .                         | 30   |
| Содасак ли тон . . . . .                                  | 31   |
| Сембонь колга аф ламне . . . . .                          | 32   |
| Содасак ли тон? Кие содасы . . . . .                      | 33   |

Сдано в производство 10 июля 1938 г., подписано к печати 5 сентября  
Формат бумаги 72×105<sup>1</sup>/<sub>16</sub>. Объем 2,5 п. л. Главлит № Е—1002. Тираж 260.

г. Саранск, тип. „Красный Октябрь“.





АЛЕКСАНДР МАЛЬКИН.

## ВАСЕНЦЕ ДЕПУТАТОНЬКЕ

Кельгса ваномазень лангозт  
Тонь, Мордовскяй мази ош,  
Сяс, мес ронгце тyani видемсь,  
Сяс, мес ломаттне тонь отг.  
Тейть, столица, сянкса моран  
Кайги моронянь куплетт.  
Валда эряфть инкса азан  
Сталин ялгати привет.  
Сталин ялгась шовдать эзда  
Валдти лихтензе, Саранск.

Сяс и лангцевок тонь откстомсь,  
Кице арась тагор янкс.  
Тyani корхтат эрзякс, мокшекс,  
Мяльхне Москуть мархта фкат,  
Арать од эпохань ошекс,  
Курок кочкат высшай власть.  
Гайняк, зойняк моронязе,  
Пачкодть Кремлять седи вакс.  
Вдь Мордовияти ащи  
Сталин васень депутаткс.



## Мордовский АССР-нь правительствась кочкаф

Мордовский АССР-нь Верховнай Советть васенце Сессияц аделазе эсь работанц. Обстановкаса, конац замечательнайста считадондамок подлиннай торжественностень и праздничностень настоящей большевистский деловитостьса, заседад минь Верховнай Советоньке, конац ащи родинать цебарьдонга цебарь ломанензон езда, конатнень выдвинули синць народсь государственнай управленияв.

Депутатонь тя составсь, конац выражает минь народоньконь замечательнай морально-политический единстванц, обеспечиндазе плодотворнайста Мордовский АССР-нь Верховнай Советть васенце Сессиянц работанц. Инь замечательнайкс сонь работасонза арси монолитнай, несокрушимай единомушийсь, конань мархта ульсть примафт сембе решениятне и обсуждандафт сембе кизефксне, конат ульсть шинь порядкаса.

Тя няфтезе сталинский дружбать и единствать минь странаньконь счастливый народонзон йоткса, конац кемоста сотф Ленинонь—Сталинонь партиять перьф, эсь правительстваньконь перьф.

Партиять и правительствать перьф массань нерушимай сплоченностьсь, коммунизмань знамяти советский народть верностец, выразились тяфтаняжа и тяфтама откровеннай и деловой критикаса, конань вельде депутаттне Сессияса критиковандазь кой-кана нар-

коматтнень и синь руководительснон—наркомтнень.

Тейнек, Мордовский народти цебарьста содафт избранниконьке. Синь работань и эряфонь кисна—советский народть киц, радостнай и счастливый эряфть инкса долгой и упорнай тюрсмань кись.

Мордовский АССР-нь правительствать образовандамдонза инголя депутаттне Быстров, Фомин, Васильев и Ускреев ялгатне деловитайста критиковандазь кой-кона наркоматтнень и синь руководительснон, кода Наркомпрость, Наркомземть, Наркомздравть, и лия наркоматтнень, конатнень работасост ульсь лама афсатыкста и кальдявста тюрсть вредительствать последствиянзон машфтомаснон инкса.

Сессиясь, правительствать составонц выдвигандамста лувозень депутаттнень сембе критический замечанияснон, конат ульсть азфт Сессиять работама пингстонза и правительствать составозонза кочкасть провереннайхть и идеологически выдержаннай члетт, конат преданнайхть Ленинонь—Сталинонь тевонц инкса.

Мордовский АССР-нь од правительствась облеченнай народонь доверияса и приступиндамок работама сон мяляфтысине эсь инголенза ащи боевой сембе наkasнень, сембе замечаниятнень и депутаттнень предложенияснон, конат ульсть азфт Верховнай Советть трибунастонза.



## Шовдава

Сембодонга цебарсь мирса—ваномс, кода шачи шись!

Менельса крвязсь шить васенце лучец, вень шовдась валомня кяши панттенень ёткова карафненди, кевонь лазфненди, кяши шуфттенень туста лопаснон потмос, тишень кружватненень потмос, конат почедфт расаса, а панда прятне мзелдыхть веселай мзелдомаса, бта корхтайхть вень ляпе сильфненди;

— Тяда пель!—тя шись.

Морять волнанза сериста вяри кепсесазь акша пряснон, суюконяйхть шити, кода придворнай мазы стирнят эсь корольснонды, суюконяйхть и морайхть.

— Приветствуем тонь, миронь владыка!

Добрай шись рахай: нят волнатне вень перьф налхксесь и кружендасть, и тyani синь тяшкава сязендф-нозондф, синь сянгяре щамсна крьмошафт, бархатнай шлейфса тапаряфт.

— Шумбра ши!—корхтай шись, кеподемок морять велькс.—Шумбра ши, мази стирнят! Но, саты, тяда шумна! Иттненди аф ули кода эшелямс, кда тинь аф лоткатада тяшкава сериста комотнемда! Эряви, штоба сембонди модать лангса улель цебарь, аф виде ли?

Кевонь лазфнень эзда лисендихть сянгяре нетькасне, и чипорямок сельмонаснон, корхтайхть фкяфкянди:

— Тячи ули пси!

Пси шиня каруфне лиендихть ле-

нивайста, нетькасенди теждят кунцемс и сивондемс синь. А сивомс цебарь кару—ся сяшкава приятна! Нетькасне танцтиень отчаянной кельгихть.

Панчфне, конат стакалгadfт расать эзда, колендезь люксихть, бта дразяйхть и корхтайхть:

— Сёрматта, сударь, сянь колга, што минь пяк цебарьхтяма шовдава, расаса наряжафста. Сёрматта валса минь эздонк паньчфонь ёлма портредкат. Варжак, тя тежда, минь стама простойхтяма...

Хитрайхть штуканятне синь! Пяк цебарьста содасазь, што ломанти аш кода сёрмадомс синь милай, мазы шиснон, и—рахайхть!

Мон валхтыне почтительна шляпазень и корхтан теист:

Тинь пяк любезнайхтяда! Благодарю тинь честть инкса, но—монь тячи аш пингозе. Тяда меле, бди...

Синь гордаиста мзелдыхть и венемкшнихть шити, сонь лученза палыхть расань каплятненень эса и почерясазь лопанятненень и лопатненень бриллиантонь пиндолфса.

А синь вельксост кружендайхть ни золотой мешне, кружендайхть и кендихневов,\*) жаднайста симихть медьта и лямбе кожфса шуди синь лама вайгяльсна моросна:

Благословеннай шись—

Эряфонь радостнай источниксь.

Благословеннай работась—

Землять мазы шинц инкса.

\*) Кенди—оса.



Сыргозсть якстерь мяште малиновкатне: ащихть и люксихть шуваня пильгоняснон лангса, и тожа морайхть тихай радостень мор,—нармттне ломаньда цебярьста содасазь конашкава пара эрямась землять лангса. Малиновкатне фалу васенцетне васьфнесазь шить: ичкезе якшама Россияса тейст мярьгондихть „зарянкат“ сяс, мес нят нармоннятнень мяштеныстост толганятне мазептьфт шовдавань зарять цветса. Йолма шуфтонятнень эзга комотнихть чижитне, конатнень толганясна серайнят, тюжанят, синь ащихть ульцяса ласьконди идькс — стама жа озорникт и станя жа апак лотксек иватькшнихть.

Паньцемок карунятнень мельге, нулхтыхть пизьгататне и мода пизгататне, кода равжа стрелат, и кайгихть вайгяльсна радостна и счастлива—цебярь, кда улихть вишке тежда пацятне.

Шерьхкозевихть пинийхнень та-радсна — пийнихне ащихть эфтярь сяшка шаванякс и синь бта пяш-кодьфт ши валдса, кода золотистай винаса.

Сыргозькшнихть ломаттне, сят, конатненди сембе эряфсь—трудсь. Сыргозькшнихть сят, конат сембе эряфснон пингста мазепнихть, козякафхнить землять, но—шачема пингстост сявомок кулома шизост самс иляткшнихть беднякокс.

Мес?

Тон тянь колга кармат содама сяда меле, мзярда улят оцю, а пока—маштт кельгомонза шить, ко-нац ащи источниккс сембе радост-тненди и вийхненди, и улхть веселай, добрай, кода тя, сембонди фкакс ащи, шись.

Сыргозсть ломаттне, и вов синь молихть эсь паксызост, эсь труд-снонды, шись ваны синь лангозост

и мзелды: сон сембонь коряс це-бярьста содасы, мзяра цебярьда тисть ломаттне землять лангса, сон мзярда бди землять няендезе пус-тыннайкс, а тяни сембе землясь вель-хтяф ломанень великай работаса—минь аляньюнь, атянюнь, атянь-конь атяснон работаса—серьез-найть и иттненди пока нинге аф шарьхкодевить ёткова, синь станя жа тисть сембе налхкшкятнень, зем-лять лангста сембе приятнай вещат-нень -- синематографть, например.

Ах синь пяк цебярьста работасть, минь предканьке, ули мезенкса кельгомс и уважать великай рабо-тать, конань тиезь синь сембе вас-това минь перьфканк!

Тянь колга аф шёряй думандамс, шабат,—сказкась сянь колга кода ломаттне работакшнесть землять лангса—миронь сембодонга инте-реснай сказка.

Паксянь перьяфнень ваксса якстер-дихть розатне и сембе ширге ра-хайхть паньчфне, ламотне синь эз-дост пужихть ни, но сембе сяка ва-ныхть сенем менельти, золотой шить лангс, каштордыхть синь бар-хатнай лопанясна, нолнемок танцти шиненя и голубой, лямбе кожфса, конац пяшксе благоуханияда, ва-ломня моли ласковой мора.

Ся, мезсь мазы—ся мазы,

Мяк мзярда сон пужи;

Сянь, мезть минь кельгсаськ—минь кельгсаськ.

Мяк мзярда сон кулы....

Шись лиссь. Шумбра ши, ша-бат, и катк эряфсононт тинь улихть лама, лама добрай шить!

Мон скучнай улень тянь серма-домста.

Мезевок аф тият: мзярда шабати топоди нильгемонь киза, сон арай аф ламняда скучнайкс.



Ойротский сказка.

## Сязьган

Кочказь нармоттне павать началь-  
никокс. Павась келептезе келиста  
золотой пулонц. Шапкасонза золо-  
той сёконят. Настоящай началь-  
ник! Кармасть нармоттне тейнза  
урьвань вешендема. Куропаткать,  
кедровкать, каньф кирьхксть—сем-  
бонь эзда павась отказась: каньф  
кирьхксь ёлма, куропаткась каль-  
дявста лии, кедровкась осал, кукуш-  
кась печальнайста кукай.

Тусь мялезонза аныцек сязьганць,  
сон весяла.

Свадьбада меле павась таргась  
эсь мяштьстонза шовда сеньгяре  
толгат и путозень сязьганть сял-  
даззонза и пулозонза. Сязьганць  
кармасть тиендемс прянц важнайкс.  
Мезнятка аф тиенди. Ащи кочки  
од толганят. Лии од толгатнень ма-  
рхта и пиндолды. Шовдава валдаш-  
кады, лийкстай пизостонза и аш  
сон веть самс.

— Ков тон эряскадат, сязьган?—  
кизефнесы сонь павась.

— Ков мялезе.

— Коса тон улеть, сязьган?

— Ков ёрань.

Кяжиясь павась. Шовдастакиге  
сон саворня лийкстась пизостонза

и кяшсь акациянь тараткятнень  
фталу. Шовдава сязьганць ёрдазе  
лангстонза равжа шёлкса вельхтяф  
эсь оронц и лийкстась, пиндолдо-  
мак акша оторочканц мархта.

Павась лийсь сонь мельганза.  
Синь лийсть фкя эряйнь куд малас.  
Сязьганць эстакиге валгсь ошкс па-  
ри и кармасть шра нардафкста ярх-  
цама.

— Кода тейть аф визькс!—ивадсь  
павась.—Тяникиге жа лийхть куду!

А сязьганць нльня афи шарфни:  
ярхцай и ярхцай.

Лийсь тейнза павась, стукадзе  
няренц мархта пря ланга.


Тяни—корхтай,—тон тейне аф  
урьват.

Тя пингста сявомок, сязьганць  
сювлямок отброснень эса, фалу  
прянц эса шарфни и эсь идензон  
тонафнесыне.

— Весть капотть, а ветексть вар-  
жакстт, ату павась лии, стукаттянза  
пря ланга.

Кемоста мяляфтсазь тянь сязь-  
ганть иденза. Каподихть весть и  
варжакстыхть. Каподихть перьф пя-  
ли ваныхть.





## МУСТАФАСЬ РЕСПУБЛИКАНСКЯЙ АРМИЯСА

Сон шачсь польскяй веленяса. Рана илядсь сиротакс. Цёранясь кода - аф кода пачкодсь Варшава ошу, Польшать столицазонза. Надиясь, што тоса сонь кие - кие сявсы эстейнза. Но Варшавасовок лама кудфтома идьта и сонь ширезонза кивок ашезь шарфта мяль. Сон эрсесь сеттнень алга и пинень пизоса, ярхцесь мезде повсь, анцесь милостынят.

Беспризорник эсь ялганзон коряс сон ульсь ласковой и вию. Ялганза тейнза мярьгондсть „Постуф“ (сон кой-мзарда нинге, прокс, ванць баяронь тувот), а ульцяса тейнза пшкятыкшнесть аф цебярь валса: „Эй тон“, или „Босяк“.

Аф весть сонь озафнезь полицейскяй участва и тюрьмава, кода кудфтомонь, кода лемфтема ломанень. Сонь ашельхть эсь колганза документонза. Мзярксть сон ащесь тюрьмаса — трудна мяляфтомс. Пиксезь сонь тоса апак ужальть.

Фкя пингоня сон кулезе, што газетатнень эса сёрмадыхть (сон сонць афоль машта морафтома) сянь колга, што Испанияса ушедсь война.

— Тоса ляцендихть полицейс-

кяйхнень и фашисттнень лангс, — азондозе тейнза ялгац, тяфтама жа беспризорнай цёраня.

— Да, ну! — ивадсь „Постуфсь“, — полицейскяйхнень и фашисттнень лангс ляцендихть?

Поездса „нумолкс“ сон кода - аф кода пачкодсь французскяй ошу Марсели, а тоста Испанияв. Испанияса сон васьфть полякт, немецт, англичатт. Синь састь республиканскяй армиянь ряттненди, штоба лездомс испанскяй народти немсстранаста итало-германскяй фашисттнень. Республиканскяй боецне, конат ванозь „Путевка в жизнь“ советскяй фильмать, эсь од ялгаснонды путсть лем „Мустафа“, картинань геройть лемонц.

„Мустафась“ фронтса тонадсь лама. Сон, васендакигя арась цебярь стрелококс — снайперкс, цебярь разведчикокс, арась грамотнай ломанькс.

Аф кунара ульсь максф приказ, конанц коряс „Мустафась“ назначандаф частень командирти адьютантокс. „Мустафась“ пяк кассь и арась оцю ломанькс Тейнза топодсь ни 17 киза.





Тядде ульсь пяк лямбе кизось, и ляйса ведсь кармась убавама. Июльть кучкастонза Дементь крхкалмоц кой-кона вастова йофси кирсь. Тя пингть ракатне шашнихть потмаксова стадань-стада и синь пяк тьождят кунцемс. Минь ялгазень мархта фатяме сачокт и туме ляи.

Кись мольсь вирьге. Моронь моразь минь ашеме шарьхкодь миньцке, кода пачкодеме Дементь берягонц ваксс. Колма—ниле частта меле минь ульсь сяшкава лама ракадонк, што синь ашеть тяльгенде ни кептерняв. Минь крвястеме тол, пидеме ракат, а ярхцамда меле думондаме эшелямс. Мон сувань вести и ушедонь сачокнень урядама. Вдруг мон марянь фкять эса мезе-бди стака. Сон ускозе сачокть алу, мон комань и щупазь мунь мезе - бди повф. Тя ульсь шямони ёлма браунингоня.

Минь ламос ашеме берягса и спорсеме, кода сон повсь ляи. Ушедсь шовдалгадама, эста минь сявоськ вещаньконь и туме содаф киге сире вирь ваны Сергейть шири. Сонь ширенза минь илядоме шовдавать самс.

Минь эряскадоме: вирьса ушедсь

курокста шовдалгадама. И вов минь инголенк всяласта цифтордозевсь толня. Минь стукаськ калиткать. Тейнек панжезе калиткать эряф ласковой и приветливой ломань, Мария Сергеевнась, вирь ваныть урвац. Вирь ванысь ульсь кудса. Сон ащесь мадозь койка лангса и ванондсь кафта стволса ружьянц, виде, сон ульсь ташта, но, кода сон корхтась, пяк цебярь.

Мзярс минь корхнеме Сергей щняньконь мархта, сонь урвац аноклась ужин. Ужинда меле минь няфтьськ вирь ваныти муфксоньконь. Сон ламос ащесь и думондась, а сяда меле варжакстсь минь лангозонк и мярьгсь:

— Мяленте, иднят, мон тейнть азондан фкя случай, кона лятфтазе тейне тя браунингть?

Минь кенярдеме и анокламе сонь рассказонц кулхцондома.

— Тевсь тя ульсь 1923 кизоня. Ульсь васень тунда и мартста ушедсть шудема шудеркскятне. Ся вастть ваксса, конанди мярьгихть „Чертонь кресла“, эрясь вирь ваны Еролай Конин, а аф ичкозе сонь куднянц ваксста эрясь сонь брадоц. Сонь ульсть колма иденза и урь-



вац, а Ермолайть ульсь аныцек фкя стирьняц—кафкса кизоса равжа сельме Варанясь.

Мартовский фкя пизем илядвя вирь ванысь кульсы, што кие-бди стукай ортать.

„Кинь кандсь тязя?“, — думондась сон, тусь панжемонза.

Тя пингоня ковсь варжакстсь дуцять алда и валдоптсь ниле ломатть, конатнень лафтусост ульсть канкскат. Мзярда ёфси начкста сувасть синь куду, вирь ванысь мярьгсь тейст озамда, а сонць кармась ужинонь аноклама. Ермолайсь кизефтезень сафнень, ков синь молихть и коста сайхть. Фкясь сафнень эзда отвечась, што молихть синь ошста куду, эрьгодсть и, няекок толнять лоткасть удома.

Вирь ванысь кадозень кафтнень удома эсь ширезонза, а кафтнень вязезень брадонц шири. Тясa Варанясь нят ломаттнень кядьса нйись оружия. Мзярда сась аляц, сон салавана азозе:

— Аляй, щнятнень улихть революверсна.

Ермолайсь кардазе сонь, штоба сон тянь колга местьке афоль корхта, лиссь кудынголи, вешезе шужярхнень потмоста прдаф ташта браунингонц, конанц сон ускозе нинге фронтста, заряжазе сонь и путозе карманозонза. Сон аф ламода шарьхкодсь ни, кит нят апак учент инжихне. Фкять синь эздост, Игнатенко Фрольт, сон няезе лама кизода тяда инголе—тя ульсь сембе тя вастса содаф козянь цёра. Крестьятне азонкшнезь, што тя Фрольсь сядынголе ульсь белогвардейский карательнай отрядса, но сяда меле, мзярда белайхне ульсть тапафт, тейнза удалась кяшемс: сонь алянц мархта Ермолайсь ульсь кяжихть. Киза пяледа инголе Ер-

молайсь сась Якстерь Армияста и ступиндась тя лесничествав.

Странась аныцек ушедсь хозяйстваса порядкань тиендема, тейнек эрявсь кши. Кулакне ашезь ёра



максомс кшить государствати. Фкя пингоня вирить шаромста, Ермолайсь няезе, што Фрольт аляц „Равжа“ лотку калмась съора. Сон ластясь алаша лангс, тусь ошу и азондозе сембонь тянь колга Чрезвычайнай комиссияти. Фрольт кшинц сязовь. Кулаксь думондась пандомс кяженц вирь ваныти...

Ермолайсь сувасть куду. Сон няезе, што кафта афсодафне мезеньбди колга тошксихть. Ужнасть и мадсть. Ермолайсь матозе толть и салаване путозе браунингть тодуть алу.

Инголи кашт ашезь моль, аныцек марявсь пиземсь пизесь вальмяти, и трубаса, кода вачеда вирьгаз, урокодсь вармась.

Тяда меле читордозевсь кроватсь. Ермолайсь няезе, кода сонь мала-



зонза шаштсть кафта сильфт. Тей-  
нза валомня пшкядсть лемсонза.  
Ермолайсь мезевок ашезь отвеча,  
кепозеде браунингонц и кафксть  
мельцеке ляцсь. Кафттне прасть.

Ермолайть эстакиге мялезонза  
лядсь брадоц: кафта афсодифне, ко-  
натнень вятезень сонь ширезонза  
удом, могут сонь шавомс. Тя арь-  
семась заставазе вирь вануть врь-  
гятемс лездома. Ермолайсь кядь-  
сонза браунингть анокста кирдезь  
ласьксь брадонц кудонц ваксс.

— Ну, кода, тиесть тевонтень? —  
кулезе сон бандиттнень кизефкс-  
снон. — Минь ни тиесък.

„Сембось имась“, — думондась  
Ермолайсь, — брадозе шавф“. Вирь  
вануись люпштазе курукть. Сон кол-  
моксть ляцсь. Горньцяняса кашт  
ашезь моль. Ермолайсь сувась. Валь-  
мясь ульсь панжада. комнатась ша-  
ва. Вдруг сон марясь пяк сярядьф  
кяржи кядьсонза. Ляцендсть валь-  
мава. Сон матозе лампать. Ульцяса  
афламняда ушедсь валдашкадома.  
Сон няезе, кода кафта ломатть,  
модати комазь, ласьксть эчке шуфта  
ваксс, конац кассь кудть каршеса.

„Эряви тяста тумс“, — арьсесь  
Ермолайсь. Сон ёразе панжемда  
кенкшть, но сон ульсь нежедьф ом-  
бокста.

Вирь вануись повсь туфксс.

Кармась сяда валдашкадома. „Аф  
ярашты учемс валдашкодомась: эс-

та тейст ляцендемс сяда цебярь  
ули“, — арьсесь Ермолайсь. Сон виш-  
кта комотсь вальмава и врьгятсь  
кудть фталу. Фталонза марясь ля-  
цема вайгяльхть.

Ермолайсь ласьксь ширес: сон  
ёрась уемда тона берягу и кяшемс  
мельганза панихнень эзда. Карше-  
зост ляцендемс тейнза аш кода:  
илядсь аньцеке фкя патрон. Ермо-  
лайсь ласьксь берягть ваксс и ко-  
мотсь вести. Вдруг марясь стака  
сярятъф копорьсонза. Ащемок мяш-  
те ведева ведьса. сон шарфтсь мель-  
ганза панихнень каршес. Сон арь-  
сезе нолдамс расходс тя илядыкс  
патронть. Но сон ашезь кенерь:  
пулясь повсь сонь прызонза. Ермо-  
лай прафтозе кядьстонза браунингть  
и валомня кяшевсь ведть потмос.

Сергей щняньке лоткась корхта-  
мда. Местьке ашеме кашторда минь-  
ге. Минь думондаме храбрай вирь  
вануись и шямони ёлма браунинго-  
нять колга.

**7-це классонь учениксь**

**ДАДОНОВ КОСТЯСЬ.**

Ленинградский областень, Пор-  
ховский райононь Щекотухинский  
школась.

„Колхозные ребята“ газетать  
1938 г. 32-це номерстонза.



# ДЕМОНСТРАЦИЯ

Маень васенце шинь валдо шоворня хутору эвондась коннай жандармериянь оцю отряд. Самай ся пингоня Владексь лиссь кудстост. Сон абондсь эводемать эзда.

Отрядсь лоткась ксендзть (священникть) од куднянц ваксс. жандарматне комотнесть алашаснон лангста и, мзярда лов лаца акша креленцянь лангс эвондась оловань сельме „святой отець“, валхнезь вазьснон и сюконясть тейнза.

Ксендзсь тердезе офицерть и мярьгсь:

— Монь лакейзе веленяв тийсь полевой телефон и соединил монь квартиразти. Кодак ушеды тя антихристонь шествиясь, сон эстакиге пачфти сей куля.

— Благодарю тонь, светой отец!— отвечась офицерсь.— Минь мзярдовок аф юкстасаськ власттненди тонь заслугатнень.

Ксендзсь тердезе офицерть кудозонза.

Жандарматне сюконясть Ксендзти и, мзярда сон и офицерсь кяшевсть кенкшть фталу, путозь вазьснон, сявозь нокта вядьмода алашаснон и сувафтозь ксендзть пирьфонзонза.

Владексь тусь ласькозь Казимирти.

— Демонстрация аф эряви ти емс,— эряскадозь корхтай сон.

— Мес?—кеподезень лафтувонзон Казамирсь.

—Пикссамазь минь жандарматне

— А мон тя пингти самс арьсень, што тон смелай цёранят,—отвечась Казимирсь, сон корхтамбачк повф-тась олгоняняс якстерь котф.—А нинге пионерат! Аф аляцень лаца туть.

Владексь арась флага якстерьста.

— Тонь аляце ульсь бесстрашной коммунист. Ужяль, фашистне шавозь.

— Монга улян коммунистокс,— лоткафтозе сонь корхтамда Владексь—Мон панца кяжзень алежень инкса

\* \* \*

Велень кузнецти эрь вете минутань ёгазь тонадсть ласькондемс итне и анцемс кшни пакшкат.

— Мейнди тейнтъ кшнись, ить?—кизефнесь добродушной атаясь.

— А минь, Юзеф атай, त्याда меле азсаськ,—отвечастъ итне.

\* \* \*

Владексь кочкась кемонь цёранят, конат ульсть вооруженнайхть рогаткаса, и шумфтома, салаваня ладязень синь ксендзть пирьфонц ваксс. Сон валоння панжезе пирфортать—и цёранятне ушедсть ляцендема жандармский алашатнень лангс. Ушедсть ляцема кшни пакшкятне, эськне. Алашатненди пяк



марясь—и синь кеподсть кафта  
пильге лангс, ушодсть фкя- фкянь  
лангс лѣпштама и вдруг аердсть  
вастстост и, кода пяляст, тусть ар-  
дозь паксяв.

Жандарматне симсть — ярхцасть  
инжийнь кельги ксендзть кухня-  
сонза. Вдрук кайгозевсь офицерть  
вайгялец.

— По коням!

Жандарматне ласьксть пирьфи,  
но сон ульсь ни шава. Ичкозе, ич-  
козе паксяса безумнай табунца  
вишкста ардсть синь алашасна.

Крестьятнень демонстрациясна  
ушедсь ни. Ксендзть пирьфозонза  
марявсть революционной морхт.  
Офицерсь отчаяннайста сюцезь жан-  
дарматненди макссь приказ кун-  
цемс ардозь туф алашатнень...



## Козя урожай

Шинясь лиссь ни  
Вирьнять фталда,  
Мазы од стирьнякс  
Шумбразь,  
Нолдась паксять  
Ланга валда,  
Конанц росьне  
Ни кундазь.

Уфсесь сетьме  
Кельме кожфя  
Щокань палси  
Варманясь,  
Нолдась паксять  
Ланга жойфя,  
Розень прятнень  
Сюдерясь.

Алу комасть  
Росьнень прясна.  
Шерьхкихть прянясна  
Нувазь,  
Топодсть, сась ни  
Удомасна.  
Удыхть кожфкаса  
Люказь.

Арась паксясь  
Розень морякс,  
Горизонть сатсь  
Краенц розьсь,

И тюжалгадсь  
Лангоц, кенерьсь  
Эх, и радовой  
Колхозсь.

И комбайнать мархта  
Якай,  
Паксянь келес  
Од стирьня,  
Радостсь потмосонза  
Лакай,  
Мес пяк оцю  
Розень прясь!

Тяфтама киза  
Ашезь эря,  
Кода тядде  
Розсь люкай;  
Ащи стенакс,  
Ронгоц сери—  
Сталинская макссь  
Урожай!

Аньцек марстонь  
Эряфть пингста  
Паксясь арась  
Океанкс,  
Сембе тюрихть  
Козя шинкса,  
Велесь арась  
Од ки лангс!



## Шумбрат, марстонь пакся

Шумбрат, марстонь пакся,  
Шумбрат, марстонь розь!  
Пеце тонь аф няеви:  
Видензе колхозсь.  
Инголен розень моря—  
Тюже, кода шта,  
Прятне комафт—товуфт—  
Видефат пяк лац.  
Лац мон содца: тядде  
Питни трудошись.  
Сюконякшни розьце,  
Кенерьхть шиста шис.

Июль, 1937 к.

---

Н. Деван.

## СИДЕ МОРОНЯТ

Стирхне—цъоратне, ульцяста  
Кармасть куду тума.  
Ванды колхозсь ранакиге  
Лиси паксяв нума.

\* \* \*

Стахановецне Миша, Костя,  
Паксяв тячи нума лиссть.  
Ламонь синь ни трудошисна:  
Колма сядонь кажнайсь тись.

Теризморга веле,  
Шайговань р-н.

---



## КОЛХОЗНОЙ РОЗЬСЬ

Пиндолдсь золодса валф розьсь,  
Морась жольфса мази морот;  
Снизь и мадозь, мярьгат, молись  
Инжикс вели алу вармат.

Сияк тошксихть тову прятне,  
Што синь видьмосна куят,  
Што пяк лямбот пиземнятне,  
Ащесть равжаза дуцят;

Што пяк всяля шинясь  
Кельгсы розень сембе паксятъ,  
Максси тейнза псиня

Менельть эзга вярьге яксезь

Сяс и архтови тюжаста  
Розень морясь, жольняй лангсь,  
Конань шири всяляста

Марстонь велесь ваны фланкс.

— Шумбрат, пакся! Розень моря.

Шумбрат, панжи странань тряй!

Тячи, ванды розцень йоран

Ускомс вели, паксяняй.

Виде, йотась кафта шит,

Кода марстонь вийса валовсь,

Паксяв тиевсть жнейкань кит,

Вийсь звенава, ванан, явовсь,

Тяфта кенерсть, кенерсть росьне,

Велесь мархтонза шумбракстсь,

Тяфта панжендыхть колхозне

Розть урядама кундасть.

Июль 1937 г.



## КУРОК...

Кизонь варманясь  
Паксява шуди,  
Эше кядьсонза  
Розьнять капшасы,  
Конань лангс колхозть  
Седиец касы.  
Валсы радостьса  
Колхозникть седиенц,  
Мяленц кеподьсы  
Сон эсь видиенц.  
Варманять эзда,  
Савор сон люкай,

Бта инжикс сон  
Кенярьтф, вели сай.  
А сонь велькссонза  
Псинянц ёрйй шись.  
Курск паксяти  
Такоргады кись.  
Курок комбайнанц  
Тусы комбайнерсь.  
Паксять келеса  
Гайнязеви морсь.

1938 к.

Вас. Каргин.

## ИНГОЛИ И ТЯНИ

Эрясь велесонок Ванясь,  
Лангоц кальдявста ульсь щаф;  
Козянь лама сталма каннесь,  
Нужать потмос ульсь кикаф.  
Кулаксь лангсонза сонь рахсесь  
И работафтсь стака тефт,  
Ванянь ирдесканзон мянцефтсь...  
Козянь тефне—стака кефт.  
Тяфта эрясь лама кизот,  
Мироедть кядьала ульсь.  
Ашельхть йофси сонь праванза,  
Лувондовсь ки лангонь пулькс.

Лиякс арась тяни Ванясь:  
Козянь локшеть сатовсь пец.  
Саты! Козять ашусь ваннесь!  
Сембе эряфть трудяйт кядьс!

Ванясь-эряй тяни лац  
Правац ули сембе вастс.  
Оцю тевда сон аф потай,  
Сянкас кочкаф депутаткс!  
Паксять лангса вишкста соказь  
Стахановскяй нормат тийсь.  
Аньцек тяфта, лац работазь  
Касы коллективной вийсь!

1938 киза, Саранск ош.



*Лия ши  
мастороньконь  
вельксса*

Ушесь лямбе. Зарясь пожаркс палы,  
Вирьнять фталда шить цятконза лиссть.  
Вармась росьнень эзда волнат тии,—  
Курок тоза такоргоды кись.  
Шумбрат эрят, тон колхозонь пакся!—  
Лангсот касы козя урожай.  
Тяддень кизоть тонь пях лама сокце,—  
Лангозт минь колхозоньке нума сай.  
Розь нумати сон кунара анок.  
Кеме кядьса кемокстаф эрь винтсь.  
Эрятама весяласта тяни,  
Да и якатама наряжафста минць.  
Сталин ялгась арафтомазь кити,—  
Колхозниконь таньцти кшисна, салсна.  
Целай пудонь сай эрь трудошители,  
Сяс трудяйхнень касы пара мяльсна.  
Кельктя, кельктя, Родинзе кельктя!  
Шумбра улеза Сталинская Законць!  
Лия ши вольнай масторть вельксса,—  
Тя шинясь вдь, Сталин ялгась,— Тон!

---



## ВЕСЕЛАИ ТЕВ

Росьне лядемс сембе кенерсть,  
Вармать эзда синь нюрйхть,  
Вов, синь прясна модав венемсть,  
Кода ломатть, суюконйхть.

Роснень вельксса, роснень  
йоткса

Лучне налхкоманя вятсть.  
Вете жнейкат апак лотксек,  
Нюдикс ащи розньять лядьсть,  
Стака мархнень мельгаст фатнезь,  
Пулфокс сотозь аватне,  
Фкя-фкянь йотазь крандазс  
марсезь,

Капас усксезь алятне.

Кода дружна тячи тьаса  
Лаказы, лакась марстонь тевсь!  
Тяни апак покак ащезь  
Тьаса кирдель аньцек кевсь.

Морось гайняй росьнень пачка,  
Зойнязь моли велеть тейс,  
И шись вьаре тюжя панчфкакс  
Ваны всяла пьак тевсь.

1935 к.

А. Чекашкин.

## СИДЕ МОРОНЯТ

Кельган якстерь мон стрелокнень,  
Кельган и наводчикнень,  
Кельган всяла связистнень,  
Сембода пьак летчикнень.

Эх, монь эряфозе цебярь,  
Ащан таза, мази стирькс.  
Якстерь Армияса моннесь  
Служай Якстерь командиркс.  
Йотнихть, йотайхть кизоть псинза  
Летьке сьоксесь вьарде прай.

Федя цьорась, содафозе,  
Якстерь Армияста сай.

Вярьге лии серай кавал,  
Кругт и петлят тиенди.  
Тяфта содафозе—Федясь  
Аэропланца лиенди.

Дуцянятнень вакска шары  
Пинделды кшнинь нармоння.  
Мирденьке минь ОКДВА-сот  
Тядде мельгаст якаме.



## Сиде моронят

Сась милказе армияста  
Конясонза звезда.  
Эх, минь сяфтяма пример  
Ударникнень эзда.

Весяласта минь эрь шись  
Эряфсонок йотай.  
Монь ударник милказе,  
Конюхокс работай.  
Милканязе бригадир  
Тевоц сонь аф коли.  
Сембода инголи бригадац  
Паксянь тевса моли.

Митянь Колясь лац работась,  
Тядде рамась Колясь тракс.  
Тя съоксене сон урьвясь—  
Сявсь ударница урвакс.

Коза варжан, коза молян—  
Эряфозе мзелткшни.  
Кайги вайгяльняса моран:  
Мон получань утом кши!

Эряфозе монь пяк пара,  
Фталон марлюнь садозе.  
Границатнень ваноматусь  
Монь кельгома брадозе.  
Йорань комсомолкс улемс,  
Максонь заявления.  
Касы, панжи мази садкс  
Одонь поколениясь.

Вай, пяк панчфу марлюнь садсь  
Перяф мази перяфксса.  
Марса эрятама парста  
Зажиточнай эряфса.

1937 к.

М. Сайгин.

Кельктя, кельктя, Ваня цьора,  
Мес пяк мазыста кштият,  
Мес стахановецонь лемце,  
Лама тевда тон тият.

Тята яка, Степа, мельган,  
Тон пяк ломанць кальдяват.  
Работама прокс аф якат,  
Тейне тон аф кельговат.  
Мон колхозса лац работан,  
Лама трудошине.  
И пяк цебярь эряфозе.  
Утом пяхксе кшизе.

Милказе монь армияса  
Зоркай пограничник.  
Тоса сон военной тевса  
Пяк цебярь отличник.  
Эряфсь пара, эряфсь цебярь,  
Маконь панчфокс панженды.  
Цьоразе монь отькорь, вию,  
Границаньконь ванонды.  
Стирьхне морайхть паксяса,  
Колхознай оцю тингса,  
Эх, спасибо Сталинти  
Цебярь эряфть инкса.



Пурупнеме марстонь пуромкс,  
Председательсь азозе:  
Ударницать Мишань Марянь  
Правлениась казезе.

Молян ляцян яксярганя,—  
Ружиязень заряжань.  
Рамань радио, гармошка.  
Цебярьста пях наряжань.  
Кульхцондомак милканяй,  
Мезе азондан тейть мон:  
Тячи рамань лама книгат  
И пях цебярь патефон.

Сьормань каннись кандсь гезета,  
Пара мяльса лувине.  
Кельгом Сталин ялгать реченц  
Радиоса кулине.  
Якан оцю мази садга,  
Вармась шерьфти лопатнень.  
Властти кочкаськ депутатокс  
Самай цебярь ломаттнень.  
Минь работатама честна,  
Тевда минь аф кяштяма.  
Тяддень кизоть паксять лангста  
Цебярь сьора сяфтяма.

Рыбкинский р-н.



## Утка лесфкс

### Вири экскурсияс

Псиста эжди тундань шись. Ацазь ацаф ляйтть трвац тюже панчфса. Кизонь нармттне вирть эса морайхть эсь мази тундань морснон.

Велеть эзда вирсь аф ичкозе. Сонь види ширеванза шуди ляйсь, а кяржи ширесонза ацавсь колхозонь кели паксаясь.

Идень садста иттне молихть экскурсияс. Вов синь пачкодсть вири, и лоткасть сире тумонь алу, кона касы вирть крайса.

—Ну, тяни аф ламос вайматама, —мярьгсь учительницась—Клавдия Федоровна,—а сяда меле карматама вирть ванондома и кочкатама паньчфт, конат эрявихть живой и природнай уголоконьконди.

Клавдия Федоровнась азондозень иттненди шуфттнень лемснон и кодама шуфтсь мезенди эряви, мезе эздодонза тиендийхть и стак тов.

Вирть эса ульсь пяк пара. Шуфттне сетьмоняста либорьфтсть эсь ниньге аф оцю пиже лопаняснон и нолясть эсь эздодост танцти кожфкя.

— Ну, а тяни, иднят, налхкседа и кочкада панчфт,—мярьгсь иттненди Клавдия Федоровна.

Пашусь вирть эзда кочкась аф лама панчфт и кандозень Клавдия Федоровнанди.

— Нятнень тейть—мярьгсь сон Клавдия Федоровнати.

Ну спасибо тейть, Пашу. А кодама пара шиненясна!

Пашуть кеняндезь пиндолгадсть сельмонза и тусь ласькозь лятфкять шири.

Лядыкс иттне вирьса тийсть оцю шум. Фкя сире пою ваксста мусть оцю пиза и шумондайхть, иватькшнихть тердийхть сембонь пизоть ванома.



Ольгась и Манькась, кочкасть лама панчфт и мусть мази шавачань долгат, эстейст ивадийхть и няфийхть мезе мусть.

Мишась и Федясь кафонест кеподезь оцю пизоть и ласьфтьсаясь Клавдия Федоровнати, а мельгаст ласькийхть сембе иттне.



## Мезе мусь Пашусь.

Пашусь аныцек комась и ёрась панчфонь сязема, кода эстакиге кальхнень ала мезе бди валомне цифнязевсь:—Циф, циф, циф и тага лоткась Мезе стамсь?, думондась эсь пачканза Пашусь и лоткась панчфонь сязендема.

Пашусь путозень панчфнень нартъ лангс и тусь сери шейтишетъ пачк кальхнень шири. Мольсь кальхнень вакс, но мезевок ашезь му. Якай кальхнень пачк, но мезевок аф няеви. Лоткась тага фкя вастс и кулх-цонды.

Эстакиге, кодак кеподезе кальть тарадонц тишетъ лангста, ваны праф боконц лангс утка лефкс и таргсесы ваймонц, а сельмонза кафцке селгфт, аныцек ваймонъ таргама пингстонза саворня кепсийхть боконанза и аф ламос ащемада меле, тага цифнязевсь „циф, циф, циф“.

Пашусь путозе утка лефксть кепканц потмос, аныцек няренц кадозе ушу. Сявозень сязентъф панчфонзон и тусь Клавдия Федоровнати.

— Мезе кепкасот? — кизефнезь Пашутъ итне.

— Утка лефкс. Аф всяласта отвечась ялганзонды Пашусь.

Няфтьк кодама!—Ивадсть итне.

Тяда шумонда,—корхтась Пашусь,—сон сяряди, оцю утка лефксне шавозь, и Пашусь няфтезе утка лефксть сембе иттенди.

— Э—э—э! Тякулы,—пшкядсь Мишась, мзярда няезе утка лефксть...

— Кулы—кулы...,—дразнязе кяжденза Пашусь. Мишать,—а ванат да аф кулы... Эк кодама ватракшень доктор, кодама курок содасы...

— Сявсаськ куду, пшкядсь Колясь.—Вов минь оцю пиза вирьста

муме, тоса и кармай эряма и няфтезе Пашути пизоть.

— Пиза минь минцкя тийхтяма аныцек правондадь—отвечась Пашусь.

## Идень садса

Мзярда итне пачкодсть куду, ушедсть аноклама обедама. Сембе итне штакшнезь кядьснон и озсесь шра вакс.

Обедсь ульсь пара, иттенди прогускада меле мольсь ярхцамась. Пашусь ярхцась кальдявста, тейнза ашезь моль ярхцамась. Сон думондась сембе обедонъ пингтъ утка лефксть колга, и аныцек аделавсь обедсь итне ушедсть аноклама спальняв—мертвай частс. Пашусь сяда курок тусь кухняв утка лефксть варжама.—Шиса али аф шиса? Шиса, али аф шиса?—думондась и кизефнесь эсь потмованза Пашусь. Сон аныцек панжозе кухня кенчксть марясы: Циф-циф! циф-циф! пешкоды утка лефкссь вишке вайгяльса.

— Ага, шиса, шиса!—Мезе ули вайгялец ивадзевсь Пашусь.

— Ишь тон кодамат.—пейдезь пшкядсь Пашусь и нолдазе мас-тору. Но утка лефкссь пильгонзон лангса нинге ашезь ащев.

Сон сяда курок пачкалкса кандсь кельме ведь и тапась эзозонза кши паморькст и навазе пачкалки утка лефксть няренц, но утка лефкссь няренц шарфтозе боку и изь ярхца. Эста Пашусь таргась пачкалгть эзда кши паморькс, панжозе утка лефксть кургонц и путозень тоза кши паморькскятнень. Утка лефкссь кши паморьксть нилезе. Пашусь нинге станя жа макссь кшине утка лефксти. И станя андозе сонъ топодемс.



## Утка лефкось касы.

Мертвай частта меле Пашусь музе утка лефксть шрать алда. Сонь сельмонза ульсть коньфт. Пашусь афазомшка эводсь. Кулось-арьсесь сон. Пашусь токазе лефкскять вастстонза, и сон цифнязевсь кайги вайгяльса.

— А-а-а, тон удоть,—пшкядсь Пашусь кеняндезь.—Тоньге ульсь мертвай частце.

Клавдия Федоровна мярьгсь итненди, што зряви кочкамс бригада, кона кармай эрь шиня аннема утка лефксть и ванондомс мельганза.

Бригадиркс итне путозь Пашать, а помощникос Наташат и Андриюшат.

Бригадась утка лефксти тийсь пиза крилецть алу, тоса и кармась эряма утка лефксь.

Утка лефксть итне аннезь парста, сяс и сон кассь вишкста. Итне ушедсть сявондемонза утка лефксть ляи.

Весть итне мольсть утка лефксть андома, а сон аш тоса. Ворьгодсь, а ков ворьгодсь? Кивок аф содасы. Вешендсть, вешендсть эсонза итне, коданга аф мусазь. Мянй илять музь ляйста. Но утка лефксть ашель мялец лисемс ляйста. Уенди и уенди. Итне йоразь кундамс, а сон эздост ворьготькшни. Аньцек нежеди кивок малазонза и йорасы кундамс, а сон чопафты ветть потмос и мянь ичкизи лиси итнень эзда. Итне шарьхкодсть, што тяни сонь вефтема ламос аф кирьдсак, фалу кармай ворьготькшнema и нинге шовори иля уткатнень йоткс. Эста утка лефксть крганц перьфке сотсть як-

стерь лентане, штоба сяда курокона муволь иля лефкснень йоткста.

И виде утка лефксть пяк тусь мялезонза ляйсь, и сон сяда сидеста кармась якама ляи. Но обедама сашендоль куду. Ярхцай, аф ламняс ваймай, и тага туй ляи. А илять



удома тага сай куду. И тяфта кармась тушендома эрь шиня. Шовадава так вешенде, нинге ранакиге туй. Утка лефксти ськамонза ульсь скучна, эста итне Клавдия Федоровнаны мархта марса рамасть нинге кафта утка лефкст и синь тонафтозь идень садти. Кармасть сембонь марса аннемо. Утка лефксне марса кармасть якама ундема ляи, марса сашендома обедама.

Утка лефксь кассь оцюста. Тяни итнень колма уткасна.

Апрель 1937 к. Саранск



## ЧАСТТ

Монь квартиразень вальманза ванныхть пирьфи. Кудоньке минь оцю, од, и пирьфса фалу пяхксе итта —оцюда и ёлмада. Мон сидеста озсян вальмять ваксс, ламос ванондан синь весёлай налхксемаснон мельге. Фкя тяфтама налхксемань колга, мон ёран тейнтъ азондомс.

Весть пирьф кучкаса площадкаса идень группа налхксъ шумнай и суматошной налхксема. И вдруг фкясь налхкихнень ёткта, конанц мезенкса-бди лемнезь пташкакс, хотя сон ульсь сембе иттнень эзда инь эчксъ, озась модать лангс и ивадьсь:

— Саты, давайте думондатама иля налхксема!

Цёранятне сетьмость.

Аф ичкозе синь эздост стирьянь группа оцю мяльса кати мезе обсуждандакшность. Вов фкясь эздост салаваня лувозень цёранятнень и, тошкамок ялганзон мархта, нежедсь цёранятнень малас:

— Цёранят, минь налхкомс аф сатни народоньке. Мяленте мархтонок налхксемс?

Сухарев Колькась ожергафтозе шаманц, ёрась кой-мезе азомс сянь колга, што стирьянтнень мархта лучше аф связывандакшнемс... Но ашезь кенерь. Ивадьсь Скакунов Васясь:

— А налхксемась интереснай? Кода лемоц?

— „Частт“, —отвечась стирьяньс.

— Минь тяфтама налхксема аф

содатама, кувакаста таргазень валонзон Пташкась.

— А мон тонафтса!

— Ну, эста ареда штоли, шабат? —срхкамок, азозе Пташкась.

Цёранятне нежедсть стирьянтнень малас и арасть синь ваксозост.

— Кда правильна лувине,—азозе Олясь,—то минь эздонк тyani как раз сняра, мзяра эряви налхксемати.

— А мзяра эряви? — Кизефтезе Васясь.

— Сембодонга цебарь налхкомс, мзярда кемнилие ломань,—азозе Ларась.—Ну, тyani кулхцондода лацкас. Налхксемать лемоц „Частт“.

Фкясь минь эздонок ули часовой стрелкакс, омбоцесь—минутнайкс, а илядыкс кемгафтувось циферблатть лангса цыфракс. Циферблатокс может улемс любовай площадкаксь, конанц кувалмоц и келец кемонь аськолкст. Тyani арседа кружокс, карматама лувомс, кие мезькс ули.

Часовой стрелкакс оказался Ларась. Минутнай стрелкакс савсь улемс эчке Пташкати.

— Арада кругс! Фкя-фкянь эзда келептьф кядень расстоянияс,—командовась Ларась.—Пташка, тон тят арсе, вдь тон минутнай стрелкат, а кругс арсихть аньцек часттне... Кругсь сяда точнайста; аккуратнайста: тясть юксне, што тинь—ци-



ферблатть лангса цифратада, Оля, тон ащат копорь пяльде кенкш-ненди, тон улят „кемгафтува частокс“. А илядыксне, кода настоящай циферблатса, улихть „фкя“, „кафта“, „колма“ и стак тов частокс. Ну, кие арай Олять мельге фкя частокс?

— Вроди мон улян, кода фкя част, эрекста азозе Колясь.

— Виде. А тон, Таня, улят кафта частокс, тон, Вася, колма частокс,.. Ну, корхтада тани тинць кие мзяра частокс ули.

Цёранятне курук лувозь эсь пряс-нон номеронь порядкаса. Аньцек, кодак Олясь ивадсь „кемгафтува“!, Ларась корхтась сяда тов:

— Тани тинь кемоста содасасть, мзяроцекс частсь кажнайсь. Но кода и часттне циферблатса, тинь ащетада и минутакс. Вов, например, тон, Колька, „фкя частат“ и сяка жа пингоня „вете минутат“; тон, Таня, — кафта частат „кемень минутат“; тон, Вася, „колма частт“; и „кеветие минутат“, и стак тов. А Олясь — „Кемгафтува частт“ и фкявок минутафтома. — Тани, мзярда сембе содасазь кинь синь-налхкихть можна азондомс и сонценъ налхкома-тьке — корхтась, сяда тов Ларась, арам-ок кругть кучкас, шаманц шарф-тозе Оляти, и венептезе тейнза кяденц, няфтемок бта частонь цебярь стрелка.

Пташкась, Олять эзда ушedomок должен ласькомс кругть эзга. Ласькомбачк Пташкась апак учсек может лоткамс киньге ваксс. Мон ивадян: „Мзяра пингсь?“ — И ся, конанъ Пташкась токасы, должен ивадемс эсь минутанзон. А ся, конанъ малас ся пингть ули венептьф монь кядезе, должен азомс эсь частонзон. А ся, кона эльбяди, — али путадондасыне эсь минутанзон, арай минутнай стрелкакс, а ся, кона пута

дондасыне эсь частонзон, — часовой стрелкакс. Кие колмоксць ули стрелкакс, — панды фант. И нинге правила: Ся пингста, мзярда „минутнай стрелкась“ равнядондай „кемгафтува частть“ мархта, сембе фкя вайгяльса ювадихть „Бом!“ кие аф ивади — али иляды, панды фант. Внимания, ушедсаськ!

— Бом! — пилень пандомшка ивад-сть иттне, сяс мес „минутнай стрелкась“ — Пташкась — ащесь „кемгафтува частть“ маласа. Пташкась, бта вачкотьф тя вайгяльть мархта, комотсь ласькома. Сон ласькозе аньцек кругть пяленц и токазе якстерь щека смешливай Мишась, конац ащесь „кота частокс“. Ларась кайгиста ювадсь: „Мзяра пингсь?“ Миша сянъ вастс, штоба отвечаемс, педезевсь и „юкстайне!“ ивадезь тусь ласькозь кругть эзга, а ся пингть Пташкась пара мяльса арсесь сонъ вастозонза.

— Бом! — ювадсть иттне. Вдь Мишась ласкондсь Олять вакска, а Ларась кяденц мархта няфнесь видеста Колькать лангс, лиякс мярьгомс „фкя частть“ лангс. Тяка пингть Мишась токазе Колькать.

— Вете минутат! — ювадсь Колькась.

— Омбоцети — пшкядсь Танясь.

И Мишась иттень марстонъ рахамаснон пингста тусь сяда тов ласькома.

Полафневсть часовой и минутнай стрелкатне, эвондасть ни васенце фанттне.

И ламос нинге шумнась налхксемась, нинге косонга апак налхконт, налхксемась.

**Ф. ШУМИЛИВ.**

*„Затейник“ журналсь 1938 к.  
2-це №.*



## ШУЖЯРЬНЯСЬ, СЕДСЬ И БАБАНЬ СНАВСЬ.

Эрясь-ащесь фкя бабана, сире-денге-сире. Кафксагемонь кизот тейнза ульсть. Тусь тя бабанясь пери, кочкась пяшксе шаваня ба-бань снав и арьсесь синь пидемс.

— „Вов,—думондай,—пидесайне бабань снафнень и обедан.“

Уштозе сон плитать и, штоба сяда лац кръвзель толсь, ёрдась пianaкудти шужярь пуворкс.

А сяда меле кармасть сяканяс кая-ма бабань снафт.

Вов тяса ни сембе ушедсь.

Мзярда сон кайсезень сяканяти бабань снафнень, фкя бабань снавсь сявсь и прась кияксу.

Прась и мадозь ащи рядсок шу-жярьнять мархта.

И тяза-жа, кияксу, комтсь пiana-кудста толу седья.

Вов шужярьнясь и корхтай:

Милай ялганят, кода тинь тяза поводе?

— Мон,—отвечай седьясь,—Пiana-кудста. Кда-ба,—корхтай,—мон тоста афолень комоте, мон ба ималень, саволь ба тейне паломс и срадомс кулукс.

А бабань снавсь корхтай:

— Монь счастьязе, што тяза прань А то саволь ба тейньге, кода и монь иля ялганенди бабаньснафненди пиде-вомс ямкс.

А шужярьнясь корхтай:

— И монга кенерьтьфан, што пianaкуду ашень пов, а тяса мадозь ащан.

— Ну, а мезе-жа минь тyani кар-матама тиендема? — Кизефнесыне седьясь.

— Мон, арьсян,—корхтай бабань-снавсь,—вов мезе. — Аредова путе-шествондама.

— Мольхтяма—мольхтяма,—мьярьгсть седьясь и шужярьнясь.

И тусть синь марса,—бабань-снавсь, шужярьнясь и седьясь.

Ламос мольсть и састь шудерк-скянь ваксс.

Шудинясь ёмланя, тайняня, а ётамс турксканза трудна,—сесь аш. Кода тяса улемс?

Эста шужярьнясь корхтай:

— Минь вов кода тисаськ: Мон ёрдан пря турксканза и мадан бе-регта-берягс, а тинь монь ланган ётада, кода сесь ланга.

Тяфта синь и тисть. Венемсь шу-жярьнясь берягта-берягс, и васен-цесь сонь ланганза тусь ласькозь седьясь. Ласьки, кода сесь ланга. Ласьксь сон кучкати модемс, ма-рясы-алува жольняй ведь. Тейнза арась страшна, лоткась сон и ивади: —ведть эзда пелян, ведть эзда пелян! А мзярс сон ащесь и иватькшнесь, шужярьнясь сонь эздонза кръвзясь и явожсь кафтова и прась шудити. Сядняськя прась ведтьи. Сон тжна-зевсь: „Ваян, таргамасть“ и тусь пот-максу.

А бабаньснавсь пряванфты ульсь, сон берягти илядсь.



Илядсь берягги, и давай рахсемс  
седьнять и шужьярнять лангс.

Пейдсь, пейдсь и лопадсь пейде-  
мать эзда.

Кальдяв ба тейнза улель, да сонь  
счастьязонза бродячай портной уга-  
дась берягть маласа.

Таргась портнойсь сюре и ста-

зень бабаньснавть кафцке пяльксон-  
зон.

А сяс мес портнойть ашель марх-  
тонза акша сюрец, сон стазе бабань-  
снавть равжа сюреса. Ся пингста  
сявомок бабаньснафнень кучкасос  
равжа стафкст.



# ОТЪКОРЬ ОФТА

(Немецкйй сказка)

Эрясть марса нармоннясь шейр-  
нять мархта. Марса кочкесьть сёра  
видьмонят.

Ну, кочкесьть синь, кочкесьть,  
нармоннясь и корхтай:

— Панде, сатыхть тейнек сёра  
видьмонятне тялонь перьф. Тяни  
давай явсаськ.

Кармасть явомост. Нармонняти—  
сёра видьме, шеерняти—сёра видь-  
ме. Шеярняти сёра видьме, нармон-  
няти—сёра видьме. Явось ровна-  
ста сёра видьмонятынень, фкя сёра  
видьмонясна лишнайгодсь. Мезе ти-  
емс?

Шеярьс корхтай:

— Тя сёра видьмонясь монь. Мон  
тоньдедот лама работань, мон мо-  
дать шувондонь,—нльня кеньже-  
няне сярядькстсь.

А нармоннясь отвечай:

— Аф, тя моньне сёра видьмо-  
нясь. Мон сяда лама работань. Мон  
сёра видьмонятнень вярде ванон-  
дыне, сембе лиендень да лиендень,  
—нльне пацяня монь сярядькстсь.

Спорясть, спорясть, да и тргадсь.  
Станя тюрихть, што сембе вирьть  
эзга крик да цифняма маряви.

Тюрсть, тюрсть, синь, цифнясть,  
цифнясть, — коданга фкя-фкянь  
ашесть сяськя? Тусть синь лась-  
козь лезксонь вешема.

Нармоннясь эстейнза лездыкс  
тердезе атам-намонть.

Шеярнясь отькорь, вию лезды-  
соньценъ офтть-вятсь.

Яфодсь офтсь, вачкодезе атам-  
намонть клокса паця ланга.

Синдевьс пацяц—атамсь вишкста  
торазевсь.

Эводсь шеернясь, нулхтадсь судня  
алу и ащи тоса. А сонць офтсь ни-  
нге сядонга пяк эводсь. Ваны кафта  
ширге:

— Коса монь шеернязе? Аш шеер-  
нясь!

Эводемать эзда офтсь тусь ар-  
дозь да суд пакшкять лангс и шя-  
тась. Шятась, а суднять ала мезе-  
бди лопадсь.


„Ну, думондай офтсь, — ляцен-  
дихть“.

И врьгядсь отькорь офтсь ардозь  
мезе ульсь виец.

А тя шеярнять пейц лопадсь.

**ОЛЕШЕН**





### ВЕЛЕСА

Ульсть кафта охотник ялгат. Фкясь ульсь Ханте, вирьса эряй ломань. Сон вирьса шачсь, вирьса сембе эряфонц эрязе и аннезе прянци охотать вельде. А омбоцесь ульсь руз, служась ошса и аныцек свободнай шитнень пингста сашондсь ялганцты: вири зверень и птицань шавондома.

Весть сёксенда Хантесь сязове ялганц вири луганяс и корхтай:

—Кулхцонтт.

А ульсь илядь. Шись мадсь ни шуфттнень фталу. Кашт аш моли вирьса. Вдруг вирть эзга марявсь нюрьхкяня глухой вайгяль. Аф знакомай и страшной кодама-бди зверень вайгяль.

Рузть копорьганза панжапт кармасть арнема. Но пря ашезь няфте, што тейнза страшна.

А Ханте-охотниксь лихтсь повширестонза берестяной труба. Путозе губанзонды и нолдась стама жа зверень вайгяль.

Зверсь марязе и каршезонза пешкодсь.

Хантесь танга турай.

Вдруг лиссь зверень прят: шалх-

коц горбон, рожац каймода кели. Пяк оцю лось. Эряволь ба учемс, мзярда зверсь шава вастс лиси и эста ляцемс. А рузсь ашезь кирде, и ляцсь туста вири. Пулясь синдсь сюронц эзда пакшкя. Зверсь пяк кяжиясь и врьгяць охотникнень лангс. Охотникне ёрязь ружьяснон —и шуфта пряс. Рузсь куць виде келу пряс, а Хантесь мархтонза ряцок—кичкор, ширем куза пряс.

Лось ардсь келуть алу и давай копытанзон мархта шавомс модать сюронзон мархта, охотниксь тейнза ашезь сатов.

А модаса келуть коряненза. Лось синь копытанзон мархта, кода узерьса кярезень.

Люказевсь келусь и кармась веляма.

Тяса и улель охотникти смерть: прандяряль сон, лось эстакиге тапальхце капытанзон мархта.

Да охотникнень счастья с келусь веляма ёткова праськузоть лангс, коса Хантесь ащесь. Хантесь фатязе ялганц и лездсь тейнза куцемс тарадть лангс, коса ащесь сонць

А лось ни кузь ала—и танга шави копытаса модать эса.



Хантесъ таргасъ карманстонза трубка, табак и максожень рузти:

— Таргак!

Рузсь корхтай:

— Да тон месь? Зверсь кузть-ке сейчас веляфтсы, кафцьконди тейнек ули смерть.

— Аф ули, корхтай Хантесъ. — Таргак спокойна. Мезевок аф ули. Коряненза кузть косот?

Лоссъ модать шувсь тоста, кона тарадть лангса охотникне. А кузсь вдь ульсь кичкор, ширем, коряненза сонъ ширеса ульсь.

Вов лоссъ сизесь. Пркстась кяжденза, мес ашесь сатов обидчикне, и тусъ.

Эста охотникне валксть, сявозъ ружьяснон и тустъ куду.

## 2. ОФТОНЬ КЕДЬ ПОТМОСА

Омбоцеда рузсь сась ялганцы талонда. Танга тустъ вири.

Вирьса синь аердсть фкя-фкада. Хантесъ эсь лайканц мархта тусъ фкя шири, а рузсь—омбоце шири. Сонъ пинец ашель.

Рузсь мольсь, мольсь вирьге, нй-сы—лов мар. А сонъ вакссонза лешаф шуфтонят.

— Age! — думондась охотниксь. — Мес тьяса леш, кда сон иляса косо-вок аш?

Кеподсь кувака тарад и тонгозе лов марти.

А лов мартъ ала—оцю офта!

Сон тьяса берлогаса ащесь и тарксезе ваймонц шуфтонятненди. Сяс и лешаестъ шуфтонятне.

Ляцсь охотниксь и шавозе зверть тозк вастозонза.

Шись тялонь, нюръхкяня. Мзярс охотниксь офтть лангста ватксь кедть, веське сась. Кода шовдаста мумс меки кись? И илядсь охотниксь удома вири.

Якшама ульсь. Охотниксь фатясь сардонянзонды, а сардонят аш.

И тяниенге охотниксь няренц аше-

зе нолда. Корхнесъ тейнза Ханте ялгац, кода тьялонда сон удси вирьса: ашководы зверень кедь потмос—и лямбе тейнза удомс ловть потмоса.

Охотниксь кеподезе офтонь кедть. Да потмоста кедсь сембе вяры. Охотниксь шарфтозе офтонь кедть по-нанц лангти, ашкодсь сонъ потмозон-



за прянек пильгонек и мадсь вири. Лямбе офтонь кедть потмоса. Охотниксь матодовсь.

Шовдава пяли сон нйсь страшнай он: бта лаподсь сонъ лангозонза офта и люпштай—ваймонь таргамс аш вий.

Пингодезе морозсь ланга офтонь кедть, конац ульсь вярть эзда начка. Кода кшнинь пингсса, люпштазе охотникть.

И кульсы охотниксь: кашторды кие-бди ловть ланга, малаткшни тейнза.

— Ну, — думондась охотниксь, — сась монь кулома частозе! Марязе вирень зверсь сивольть шиненц. Сейчас мусамань монь, а монь кядезон пеельге аф сявови.



А тя нежедсь аф зверь, а Ханте  
охотниксь. Сонь лайкац музе рузть  
сонь пильге киганза.


Хантесь кярозе пеельса офтонь  
кедть, нолдазе сонь потмостонза  
ялганц и корхтай:

— Аф парста тон кяшеть. По-

нась ушу эряви. Эста и потмосо-  
вок лямбе и морозське аф сяф-  
тянза.

**В. БИАНКИ.**

*„Колхозные ребята“ газетать  
1938 к. 3-це №.*





## Стой!

Площадкать кучкас рисовандамс круг, конань диаметрац 5 м. Налхкихне (10-30 ломатть) лувондовихть номерс коре и, мяляфтомок эсь номерснон, арсихть любой порядокса кругть ваксс. Вятись сяви аф оцю резиновой мяч, путсы кругть кучкас и кайгиста азы кодамовок номер. Сембе туйхть ласькозь разнай ширьге, а ся, конанц азф номероц, ласьки кругти, сявсы кядезонза мячть и ювади „стой“. Сембе должетт эстакиге лоткамс ся вастти, коза синь сатозень командась. Налхкись, кругста апак листь, ёрдасы мячть кинь-кинь лангс. Тонац сатсы мячть и ся вастста, коста сон мячть

кеподезе, ёрдасы ялганц лангс и ст. тов.

Ся, кинди аф сави мячть мархта ялгац, арай вятикс, и налхкомать ушедсы оду. Тяда башка тейнза макссеви „наказания“—сон должен ласькомс мячть инкса, а мячть можна ёрдамс сяда ичкози.

**Правилатне.** 1. Аф эряви ювадемс „стой“ ся пингти самс, мзярс аф сявсак кядезт мячть.

2. Аф эряви тумс ласькозь, мзярс аф азыхть кинь-кинь номеронц.

3. Налхкить, мзярда сонь лангонзонза ёрдайхть мячть, ули правац аерткшнемс мячть эзда, но аф эряви аерткшнемс вастстонза.

П. Лобанов.

## Пакся

Эй, пакся, пакся!  
Тон розень пакся,  
Золотонь розьда  
Пяшкся тонь лангце.  
Йотан тонь эзгат—  
Пара мялезон.  
Пяшксе розь прятъне  
Токайхть нярезон.

Тьождя варманясь  
Тонь лангат йотай.  
Курок колхозникне  
Лангозт нума сайхть.  
Эй, пакся, пакся,  
Цебярь розь касфат.  
Лама центнер тон  
Сьорода максат.



## ВЕСЕЛАЙ КОШ

Весть Гудсь, анлийскый известнай фкя естествоиспытательсь, мольть вирьге. Австралийскый кустарниконь пяк цебярь сянгяре тишетнень потмоса сон вдруг нйсь метрань кувалмоса кош, конац ульсь тийф шуваня илиняста и пенгяняста. Кошсь ульсь сяшкава аккуратнай и уряднай, што сонь тиезе бта ломань. Илинятнень ётка всякай цветса по-пугайнь долгат, а инголенза, сува-

мать лангса ульсь ляйнь мазы кев-нят и раковинат. Но мезенди ломанти тяфтама аф оцю кошкясь? Естествоиспытательсь ашезь шарь-хкодь и арьсесь...

Аньцек сядя меле Гудсь содазе, што тя кошть тиезе аф ломань, а кошень тии нармонь. Эсь пизоснон нят нармоттне тиендъсазь башка, а кошне тейст ащихть васетькшнema и разнай налхксема востокс.

## ВИРЬХНЕ, КОНАТНЕНЬ ЛОПАНЯСНОН КАННЕЗЬ НАРМОТТНЕ

Великай ученайсь Дарвинць кундась иля мастору тушенды нармотть и синь лопаняснон эзда кочкась ил. Мзярда сон исследовандазе ильт, то сонь эсонза ульсь лама видьмот.

Штоба доказать, конашкава теждяста нармоттне каннесазь видьмотнень фкя вастста омбоцети, Дарвинць сясць аф лама мода прудста, коса ульсь ил, и путозе сонь посу-

дас. Аф лама пингта меле тя модать лангс эвондасть лись фкат. Дарвинць синь тарксезень, но синь вастозост кармасть эвондакшнema отг. Дарвинць содазе, што аф оцю ил пакшкять эзда эвондасть 537 разнай растениянь лисьфкат.

Тяфта нармоттне, валгондомок ильт лангс, конац теждяста педенди синь лопаняснонды, видендихть целай вирьхть.

## ГИГАНТСКИЙ ЗЛАК

Шабат, сембе тинь содасасть, кодапт злакне. Тя—тозерсь, розсь, пинемсь, чужсь. Но улихть злакт, конатнень эчксна кафта кядьса фатямшкат, а сересна вете этажса кудонь сересот. Тя тропиконь злак — бамбук, конац касы лама кизот... Миньцоноконга Батумиса шачи ба-

мбук. Виде, аф сяшкава эчке и сери, но сонга ащи сери шуфтокс. Минь паксянь законьконди сон похожай аньцек видьмос коре. Бамбуксь пяк вишкста касы мирса сембе растениятнень коряс. Ули стама бамбук, конац фкя суткаста касы 1 и  $\frac{3}{4}$  метрань серес.



## НЕШКЕ ВАНЫ АТЯ

Цебарьхть мешперенятне Даль-  
ний Востокса!

Аф ичкозе Гродековть эзда, тай-  
гаса, колхознай мешпереняса эряй  
нешке ваны атя Павел Иванович  
Стародубов.

Павел Ивановичть сакалонза ак-  
шет, кода лов. Эрямс светса код-  
гемонь киза—аф шуточной тев.

Лама од ломатть могли ба сельме  
каямс тя кеме, коренастай седой  
ломанть лангс. Могли ба сельме  
каямс сонь виенц лангс, ловкост-  
тенц, пяк ний сельмонзон и вию  
клоконц лангс.

Нешке ваны атясь—цебарь охот-  
ник. Сон аф мяляфты стама ши,  
мзярда ба сон ашезь яка охотас.

Сонь эряфсонза кунаркиге ули  
порядок: шовдава, мзярда аньцек  
лиси шись тайгать вельксса, сон  
саявсы ружьянц и туй лама частонь  
пингс дикий, запутаннай васттнен-  
ди, васттненди, конатнень содасы-  
не аньцек сон, тайжнай вастонь  
сире эряйсь.

А охотанди васттне тяза пяк це-  
барьхть, мзяра разнай зверьда и  
крупнай нармоньда!

Павел Ивановичть серай пинжа-  
конц лангса мяштьсонза „Почетонь  
знак“ орден. Эряви тейнтъ содамс,  
што мешпереня ваны атясь охотать  
пингста саяка ёткова тиенди нинге  
фкя полезнай тев.

— Минь мешпереньке, — азондсы  
Иван Павлович, — ащи эхянь грани-  
цаса, сяс и вообще ваномс эряви.

Весть лисень охотас. Ванан, ин-  
голе мезе-бди нулхтадсь. Васенда  
мон ашень шарфта мяль. Тевсь сянъ

эса, што нилешка километра меш-  
перенянь эзда эряйхть минь корее-  
цоньке, синге якайхть охотас.

Молян спокойна сяда тов. Няйса  
лотконянь туркс ласькозь ётась ло-  
мань. Мон кармань сомневандама.  
Мес сон ласьки? Кда сон охотник,  
тейнза ласькондемс аф эряви.

Мон тунь аф ламода кяржи шири  
и кяшень шуфта эшксс. Ащан и ва-  
нан Курок танга эвондась ломань  
кафта сядошка метрань расстоани-  
са васенцеть эзда.

Мон думондазевонь: кда синь охо-  
тникт, то синь должетт модемс  
марса. А тyani молихть башка фкя  
фкянь мельге. Мон сядонга пяк  
кармань сомневандама.

Йотань пандонянь туркс и арань  
шуфта эшксс. Вов васенцесь ётай  
монь вакскан. Конешна, сон монь  
аф няйсамань. Аньцек сон ровнян-  
дась монь мархтон, мон сонь кло-  
кса сядаз ланга—раз! А монь кло-  
козень лангс жалобамс аш мезе.

Сон и прась. Ружьязень дуланц  
мон арафтыне сонь прянц вакс и  
валомня корхтан тейнза:

— кда токаса вастцень и ивадят,  
эстакиге нолдаса курокть.

Вов сон ащи мадозь, монь плен-  
никозе, туста тишетть потмоса, а  
омбоцесь сай и мезевок аф нiai.  
Нежедсь сонга саявастти, коса ащан  
мон.

Танга саяка штукась. Клокса ва-  
дине сядаз ланга, сонга русадсь,  
кода ёлманя.

Путыне мон синь рячок. Васен-  
дакиге мон тийнь обыск тейст,  
фкянь кядьста мунь револьвер и



ниле патротт. Сяда меле мон тейст мярьгонь сямда и вятине заставав.

— А кит синь ульсть, Павел Иванович?

— Сянь мон аф содаса. Монь тевозе аф оцюня, кундаине и вятине заставав. А тоса моньфтомонга тисазь тевть, содасазь, кит синь, коста и местема састь.

— А ламоксть сашендовсь тейть кундамс тяфтама ломатть?

— Аф кржа. А мзяра аф содаса. Аф сьорматкшнесайне. Васенда лувондыне, а сяда меле лоткань. Тайгаса охотать пингста всякай случайхть эряйхть. Вастоньке минь тяфтама...

Но сембода пяк Павел Иванович кельгольхе азонткшнемс сянь колга, кода сон примась участия крупной бандитский фкя шайкань машфтомаса.

Бандаса ульс комсь кафкса ломатть. Пуроптф сон ульсь нинге 1933 кизоня Манчжурияса. Сонь эсонза ульсть русский белогвардеецт. Бандась сидеста ётнесь территориязонк, грабсесь, шавондсь ломатть и танга кяшендсь границать омба шири.

Пограничникнendi лезксонди бандать каршес тюремаса нешке ваны атясь пуроптсь колхозниконь группа вехкса ломаньцта.

— Заставась мольсь башка, и монга эсь отрядозень мархта башка. Сатомшка минь якаме. И вов минь счястьязонк муськ пильге киснон.

Синь няемазь и ёрасть мрдамс китайский границав. Минь ашеськ нолда. Синь эздост ульсь комсь кафкса ломатть, минь эздонк аныцек вехкса. Но минь отрядсонк сембе опытной охотникт, а кой-мзярось сире партизатт!

Можна мярьгомс, што ломаттне сембе надежнайхть.

И вов минь тиеме тяфтама штука!

Няфтеме пря, бта минь потатама эздост фталу, а миньць суваме ширьге границать малас и тиеме засада.

Синь мезевок тянь колга ашесь арьсе и спокойнаста молихть границати. Аныцек синь нежедсть малати минь кармаме синь лангозост вишкста ляцендема.

Но синь, черттне, ашесь эводь. Эстакиге мадондсть и ушедсть валямонк пуляса. Ляцендемась мольсь кафта частшка. Сяда меле, нй-саськ, патрононьке аделакшневихть. Курок аф ули мезьса ляцендемс. Конешна, тянь эзда минь няреньконь аф ламода нолдаськ.

Кульсаськ, противниксь лоткась ляцендемда. Васенда сяда шуроста и шуроста марявсть ся ширде ляцема вайгяльхть, а сяда меле ёфси лоткасть.

И вов ласькихть тейнек ниле бандитт, синь кядьсна и кепотьфт вяри и мезе ули вийсна ивадихть.

— Лоткада ляцендемда! Макстама пря!

Васендакиге думондаме: аф васькафнихть ли синь, хитростьса ёрасамазь сявомс.

Минь синь оружияснон сявоськ, кизефнесаськ, косот илядыхне?

— Синь ашет—отвечасть.

— Ворягодсть?

— Шавфт.

Кучеме минь разведка. Тевсь станя и лиссь. Минь афи содасы, што бандаста минь шавоме комсь ниле ломатть.

Минь эздонк ашель мяк фкявок ранендаф. Минь маштоме цебярьста кяшлема, и синь пулясна тейнек ашеськ повонда.

— Интересна ульсь схваткась,— аделазе нешке ваны атясь рассказонц.

**Переводчиксь А. ЧЕКАШКИН.**

*„Колхозные ребята“ газетать 1938-це к. 67-це №.*



## СОДАСАК ЛИ ТОН?

### МОЖНА ЛИ КУЛЕМС, КОДА ТИШЕСЬ КАСЫ?

Кой-мзярда корхнихть шутендазь: „Сон кульсы, кода тишесь касы“—вов, мол, кодама афобыкновеннай ломанць!

Тяни прокс можна кулемс, кода тишесь касы.

Ули стама аппарат—ультрамикромметр. Микромметрсь—тя прибор, конанц мархта можнат ункснемс пяк ёлма предметкат. Сонь мархтонза можна ункстамс сембодонга аф оцю товарнять кувалмоц. А ультрамикромметрсь унксни стама вешт, конат аф няевихть аф сельмоса, аф лупань пачк: сон может мерамс конашкада кассь фкя минутаста тишенься. А тишети, штоба касомс фкя миллиметрада сяда кувакаста,

эряви 83 частт. 10 минутань пингста сон касы миллиметрань аныцек фкя ведьгемонце пяльксонь кувалмос.

Ультрамикромметрсь ункснесы тя аф приметави касомать и максы возможность содамс тянь колга содамс звука станя жа, кода электрический звоноксь пачфнн куля, што кнопкась люпштаф.

И вов касы тишесь, а ультрамикромметрсь морай шуваня вайгальняса. Разнайхть тишетне—разнайхть вайгальхневов: финц тишетне касыхть сяда валом, омбонцне—сяда вишкста, и ультрамикромметрсь вишкста касомаса различать няфнесы звукть изменениянц вельде.

### *Сембонь колга аф ламне*

Сембода тёждя шуфтсь касы Мадагаскара островса. Тостонь эряйхне тейнза мярьгондихть „теждя корянь.“ Тя шуфтть эзда тийф шлемть сталмоц аныцек 70 грамм.

Страуссь—ярхцамста пяк жаднай нармонь. Сон фатни эсь няренц мархта сембонь сян, мезе аныцек нилеви. Мзярда фкя кула страусть панжезь потмонц, то сонь желудокстонза мусть лама кефт, сисем эськт,

конверт, оцю булавка, 13 меднай ярмакт, кафта панжемат, руцяня пакш, 14 ожнат и медаль.

Вярозонь салай кавалсь кельгсы охотендаманц черепахатнень мелге. Но черепахась цебярьста кяшф эсь панциренц мархта. Штоба ярхцамс сонь танцти сивольденза, кавалсь куци вяри добычанц мархта, вярде ёрдасы черепахать, и панцырец лавзондови.



# СОДАСАК ЛИ ТОН?

## КИВИЙНЬ ПОДОШВАТ

Древняй грекне ласькомаса состязанияда инголе сотнекшность пильгозост кивийнь подошват и тяфта якасть. А мзярда ушеткшность состязаниятне, синь валхнезь пильгостост ся сталмоть и марьсезь эсь пряснон пяк тѣждяста. Тяфтами тренировкада меле тейст марявсь пустякокс ласькомс любой рассто-  
яния.

---

## КИЕ СОДАСЫ

☒ Кие и коса эрясь тяфтома кудса, конань сембе ниле стенанза ванць юг шири?

☒ Тя ляйсь. Казахстанца. Сонь ле-  
моц ащи колма букваста. Можна лувомс кяржи ширде и види шир-  
де. Содасть тя ляйть.

☒ Кодама валонь кафта значени-  
янза: васенцесь—авань лем, омбо-  
цесь—оцю ляй Сибирьса?

---



ХУДОЖЕСТВЕННОЙ ЗВУКОВОЙ

ОД ФИЛЬМА

# ГОРЬКАЙТЬ ДЕТСТВАЦ

СОЮЗДЕТФИЛЬМАТЪ  
КИНО-СТУДИЯНЦ  
ПРОИЗВОДСТВАЦ



Сценариясь — И. А. Груздевь  
и М. С. Донскойть.

Постановкась — Марк Донскойть.

Операторхне — П. В. Ермолаевсь  
и И. Ф. Малов.

Композиторсь — Лев Шварц.

Звукооператорсь — Н. Озорнов.

Ст. ассистенць — Р. Я. Бернштейн.

Ассистенць — Э. И. Файн.

Главнай рольса:

Республикаць народнай артисткац ор-  
деноноскась — В. О. Массалитинова.

Республикаць заслуженай артисткац —  
Е. Г. Алексеевась.

М. К. Трояновскийсь.

Алеша Лярскийсь.

Д. Л. Сергал.

Игорь Смирнов и лият.

Ваность и кулхцондось ССР-нь Союзть экранонзон лангста.

## О П Е Ч А Т К А Т

| Стр. |  | Сьорматф  | Эряви лувомс   |
|------|--|---|--|
| 6    | Омбоце колонкаса<br>алува, мекольдень аб-<br>заць.             | ...„Мустафась“ п я к<br>кась и арась оцю ло-<br>манькс. Тейнза топодсь... | „Мустафась“ п я к<br>кась и арась оцю ло-<br>манькс. Теенза топодсь. . |
| 12   | Васенце колонкаса,<br>алува, мекольдень аб-<br>заць.           | — „Мес?— ке подезень<br>лафтувонзон казамирсь.                            | — Мес?— кепозезень<br>лафтувонзон Казимирсь                            |
| 14   | Вере, авторть фамил-<br>лияц.                                  | ...Малкпин.   | ...Малькин.  |
| 20   | Вере, авторть фамил-<br>лияц.                                  | Н. Ямшкин.  | Н. Ямашкин.  |
| 34   | Омбоце рассказса, ва-<br>сенце колонкаса, васен-<br>це абзаць. | ...Эвондасть лись фкат  | ...Эвондасть лисьфкат.   |

7-8 страницаста статьяне валхфтфт. Содержанияста синь аф эрявихть  
лумовс.



# СЪОРМАТФТОДА

## „ЯКСТЕРЬ ГАЛСТУК“

I

Пионеронь и школьниконь журналть лангс. Журналть нолдаенза: ВЛКСМ-нь Мордовский обкомсь и МАССР-нь НКП-сь. Журналсь лисенди ковти весть. Подпискать примосесазь сембе письмено-сецне, почтовой отделениятне.

Питнец: 1 кизос . . . . . 2 ц.  
 6 ковс. . . . . 1 ц.  
 3 ковс. . . . . —

---

Редакциять адресоц:

Саранск, Советская, Дом печати.

**„Якстерь Галсту“**

---